



Fémli arde Góror bútoror Maramari

Fémli arde góror bútoror maramari ré Australíat kobul gorá noza.

Fémli arde Góror bútoror maramari ókkol kaanun or uldha jurúm.

Jurúm iin goréde manúic uggwá ziyól ót zaifare, tará uggwá beça óuk yá beçi óuk.

Zodi tuñí yá tuñí zanodé honíkka hótarat táke **000** nombór ót fulic dhako.
Australíar fulic héfazot óla ar biccác gorífare.

Maana, húfia mocuvara arde maalumát ókkol ólla 1800 RESPECT óre dhako **1800 737 732**
nombór ót.

Zodi tuáñrtu maana torjuma goróya ekzon lage **131 450** ot dhako.

Australíar Hókumot (Australian Government) e fémli arde góror bútoror maramari ré zehonó háalot ókkol ót bordac nogoré.

Fémli arde góror bútoror maramarir bútoire bebaár yá dómki ókkol cámil asé ziyán ót morot yá maiya pathnár uggwá ré dhor lagai yáto tarár héfazot óre dómki di konthróul goríbélla niyot asé. Fémli arde Góror maramarir bútoire cámil aséde:

- bari maroon;
- gola siboon;
- pathnár yá fémli ré hámaká lagerdé thiañ no doon;
- pathnár óre dustó ókkol arde fémli'tú síra gorí rakóon;
- pathnár óre bura ára hoón yáto lagatar hosúri doon; ar
- fuain yá falede janwar ókkol óre dhor lagoon.

Maiya ókkol óttu morot or dhóil ekku dhoilla hók asé.

Australíar kaanun ókkol é maiya arde morot ókkol óre borabor bebaár goré.

Fottízon maramarittú azad tákibellá, uggwá kúci rictha arde cómajit tákibellá hók asé.

Maiya ókkol óttu hóraf bebaár yá duk faa kobul gorá no foribóu.

Australíat salsolon ot arhái-nofaréde hédmot ókkol asé ziyán é modot gorífare.

1800 RESPECT óilde Australíar Koumi Jíns ór Hámla, Fémli arde Góror bútoror Maramarir Mocuwarar hédmot (Australia's National Sexual Assault, Family and Domestic Violence Counselling service). Yían é kúfia telifún ar onláin mocuvara arde maalumát ókkol maana de. Mocuvara douya ókkol é tuáñr hotá fúnibou, súal ókkol ór zuab dibou ar tuáñr maháli zagat aséde oinno modot or hédmot ókkol ór éçe háwala gorí faribóu.

1800 737 732 nombór ót dhako yá 1800 RESPECT wébsáith ot zo **www.1800RESPECT.org.au**.

Tuáñrtu torjuma goróya ekzon lagibóu né?

Torjuma arde Hotá báñgi doon or Hédmot **Translating and Interpreting Services** (TIS) óre dhako maana

131 450 nombór ót. TIS é oinno hédmot ókkol lói taaluk gorí dibellá tuáñre modot gorí faribóu. TIS é mocuvara node.